



SAKSPAPIR

Saksnr	Utval	Type	Dato
65/2020	Formannskap/plan- og økonomiutvalet	PS	12.10.2020
72/2020	Kommunestyret	PS	27.10.2020

Sakshandsamar	Arkiv	ArkivsakID
Tore Henrik Øye	FE-026, FA-C22, HistSak-11/321	14/929

VEDTAK AV FRAMLEGG TIL NY SAMARBEIDSAVTALE MELLOM DELTAKARKOMMUNANE OG BERGEN OG OMLAND FRILUFTSRÅD, MED VERKNAD FRÅ 01.01.21.

Vedlegg:

Forslag til ny samarbeidsavtale mellom deltagerkommunen og Bergen og Omland Friluftsråd

Rådmannen sitt framlegg til vedtak:

Vaksdal kommune sluttar seg til den nye samarbeidsavtalen mellom deltakarkommunar og Bergen og Omland friluftsråd, med verknad frå 0.01.2020.

Kommunestyret stadfestar at kommunen sin representant, med tilhøyrande vararepresentant til årsmøtet, skal vere kommunen sin representant og vararepresentant i representantskapet til Bergen og Omland Friluftsråd Kommunalt Oppgavefellesskap (BOF).

Formannskap/plan- og økonomiutvalet - Sak 65/2020

FPØ - Behandling:

Rådmannen sitt framlegg til vedtak vart samrøystes vedteke.

FPØ - Tilråding/Vedtak:

Vaksdal kommune sluttar seg til den nye samarbeidsavtalen mellom deltakarkommunar og Bergen og Omland friluftsråd, med verknad frå 01.01.2020.

Kommunestyret stadfestar at kommunen sin representant, med tilhøyrande vararepresentant til årsmøtet, skal vere kommunen sin representant og vararepresentant i representantskapet til Bergen og Omland Friluftsråd Kommunalt Oppgavefellesskap (BOF).

Saksopplysingar:

Samandrag/konklusjon (kort om saka)

Styret i Bergen og Omland Friluftsråd har sendt framlegg til ny samarbeidsavtale mellom deltakarkommunane og Bergen og Omland Friluftsråd på høring. Bakgrunnen for høyringa er endringar i kommuneloven og nye oppgåver for friluftsrådet, med meir, jamfør saksutgreiing.

Deltakarkommunane er bedne om å fatte politiske vedtak om ny samarbeidsavtale, med snarleg tilbakemelding, seinast innan 31.12.20.

Rådmannen har ikkje merknadar til innhaldet i ny samarbeidsavtale, og går inn for at kommunestyret vedtek framlegget slik som det ligg føre frå styret i friluftsrådet.

Bakgrunn for saka

Bergen og Omland Friluftsråd, ved dagleg leiar, har i e-post av 17.09.20 sendt over framlegg til ny samarbeidsavtale mellom friluftsrådet og medlemskommunane, med føljeskriv. Gjeldande vedtekter ligg ved brevet.

Bakgrunnen for framlegget til ny avtale er at styret i friluftsrådet har bede administrasjonen utarbeide framlegg til samarbeidsavtale mellom rådet og deltakarkommunane. Dagens organisering er fastsett i selskapet sine vedtekter, men den nye kommuneloven krev visse endringar – mellom anna at vedtektene skal kallast «samarbeidsavtale».

Det går fram av informasjonen at det er teke utgangspunkt i fire forhold ved utarbeiding av ny samarbeidsavtale:

- LOV-2018-06-22-83 (kommuneloven) sin krav om endringar i organiseringa av interkommunale selskap. Jamfør endringsframlegget for nærare informasjon/utdjuing.
- Samanslåing blant deltakarkommunar.
- Ny oppgåve skildra i ny bokstav c i samarbeidsavtalen § 2;
- *«Innsamling av eierløst marint avfall, holdningsskapende arbeid, planlegging og gjennomføring av ryddeaksjoner».*

Framlegget til ny samarbeidsavtale byggjer på gjeldande vedtekter, sist vedtekne på årsmøtet 23. mars 2019. Administrasjonen i friluftsrådet har rådført seg med Friluftsrådenes Landsforbund og selskapet sin revisor. Advokat hos Samfunnsbedriftene (tidlegare KS Bedrift) har kvalitetssikra framlegget.

Endringane som ny samarbeidsavtale fører til, er oppsummert i brevet frå friluftsrådet av 17.09.20, jamfør vedlegg til saka. Rådmannen opplyser at avtalen legg opp til namnendring, med Bergen og Omland Friluftsråd Kommunalt Oppgavefelleskap som nytt namn.

I følge føljeskrivet frå styret i friluftsrådet, skal ny samarbeidsavtale godkjennast politisk i deltakarkommunane før den kan tre i kraft.

Det er ønske om snarleg tilbakemelding i form av vedtak frå deltakarkommunane, seinast innan 31. desember 2020.

Framlegg til vedtak i deltakarkommunane er formulert i brevet frå styret i friluftsrådet:

- « kommune gir sin tilslutning til den nye samarbeidsavtalen og at den trer i kraft 1. januar 2021. Videre bekreftes det at kommunens representant(er) med tilhørende vararepresentant(er) til årsmøtet skal være kommunens representant(er) og vararepresentant(er) i representantskapet til Bergen og Omland Friluftsråd Kommunalt Oppgavefelleskap (BOF)».

Formelt grunnlag

- Vaksdal kommune si innmelding/sitt medlemskap i Bergen og Omland Friluftsråd.
- Vedtekter for Bergen og Omland Friluftsråd, vedtekne på årsmøtet 21. mars 2019.

Vurdering og konsekvensar

Rådmannen har ingen merknadar til framlegget om ny samarbeidsavtale mellom deltakar-kommunane og Bergen og Omland Friluftsråd.

Rådmannen går inn for at kommunestyret i Vaksdal kommune vedtek framlegget til samarbeidsavtale slik som det ligg føre frå styret i friluftsrådet.

Rådmannen sitt framlegg til vedtak i saka, er gjort om til nynorsk.